

## ISHKUEU

Tanien Pone

Ishkueu nika tipatshimau pitama.

Ek<sup>u</sup> iteu itakanu unapema ishkueu :

— Nipuamun. Ka-tshinipaishapanuti amishkuat,  
ek<sup>u</sup> ka-nishitshipitaimishkuanikashunaua, miam  
ka-tshishatsheuepanashapanua, ek<sup>u</sup> ka-niteishi-papitshenimatishunaua. Ka-  
ninipaikunaua ekue ishinaman.

Ek<sup>u</sup> ka-tshitakunashtakaunashapanua muk<sup>u</sup>, ekue ishinaman,  
iteu itakanu.

Ek<sup>u</sup> shatshipitaimishkuanitshet ne ishkueu nekatakanit. Ek<sup>u</sup>  
shiatsheuepanniti itakanu, ek<sup>u</sup> teishi-papitshenimatishut. Eukua nepaikut,  
eukuan essinit (tanite unapema tshissenimiku nenua ua aitit). Ekue, itakanu,  
utshipitinuenikut (nipaitishu, tanite teishi-papitshenimatishu). Ek<sup>u</sup>  
ekunashtakaukut itakanu unapema ekue nakataukut. Ek<sup>u</sup> uenit ne, ekue tshitutet  
itakanu ne napeu. Ek<sup>u</sup> ne napeu epushit, ek<sup>u</sup> ne ishkueu ekue tshitutet. Tanua  
anite minuateu napeua kutaka itakanu, ekute niate etutet. Ek<sup>u</sup> etat, ek<sup>u</sup> ne  
eshpish tat ishkueu.

Ek<sup>u</sup> napeu pepamishkat, tshek ekue natauat itakanu nenua innua etaniti.  
Auennua, nishtunueu utishkuema ! Auass itakanu nishtunueu ekue ishpatat.

— Nikoui anite tau, iteu utauia.

— Ushte, tshikatshinan. Ka nipt nana tshikaui, itiku.

— Ama, iteu.

Uapushikanishtana, itakanu, ushetshipatuanikashu tshetshi eka  
nishtunuakanit. Ek<sup>u</sup> tshek shiatshuapamat. Uepuepaueu nuela. Iteu :

— Ishinakushinikupani ukauia. Namaieu nin, ishinakushinikupani, uet tshi  
ishinakushian.

Ekuannu ma tsheshuaikut itakanu. Ek<sup>u</sup> eitutuat sheshakan. Minuat ma  
ekue itat, itakanu :

— Ishinakushinikupani ukauia.

— Nikoui anite tau ! itiku itakanu.

— Namaietshe tshikaui, iteu itakanu.

Tshek ekue shatshuapamat itakanu ne napeu. Ekue nishtunuat  
utishkuema, ekuannua utauassima minuat tsheshuenimat. Ek<sup>u</sup>  
tsheshipussekatuat itakanu. Ek<sup>u</sup> tan ma anite eitinitsheni...

Eukuan eshpish tshissenimimaki nuela pitama.